



TREBAKUNTZA 2012/09: LABURTZAPENAK (II): LABURDURAK ETA IKURRAK

Udal idazki askotan laburtzapenak gaizki erabili ohi dira. Aurreko fitxan, siglei buruz aritu ginen. Gaurkoan, beste bi laburtzapen motei buruz ariko gara: laburdurak eta ikurrak.

AZALPEN OROKORRAK

1.- LABURDURAK

Adibideak: tel. (=telefonoa), zenb./zk. (=zenbakia), ezk. (=ezkerra), esk. (=eskuma), e. a./etab. (=eta abar), z. g. (=zenbaki gabea) eta beste asko.

Erabilera: hitz arruntak laburtzeko erabiltzen dira, baina hitz osoak irakurtzen dira.

Idazkera: puntua hartzen dute amaieran.

Deklinazioa: deklinatzean, hitz osoak idaztea komeni da.

2.- IKURRAK

Adibideak: h (=altuera edo ordua), cm (=zentimetro), m (=metro)...

Erabilera: nazioarteko balioa duten zientzia eta teknikako unitateak dira; esate baterako, fisikako unitateak adierazteko erabiltzen ditugu.

Idazkera: ez dute punturik hartzen.

Deklinazioa: marrarekin deklinatzen dira. Kasu marka hitz osoari jarriko bagenio bezala jarri behar da: 2 m-ko (=bi metroko), 2 h-ra (bi ordua).

OHARRA: Asteriskoz eta kurtsibaz idatzitako esaldiak gaizki daude, eta gainerakoak zuzen.

OHIKO AKATSAK

- 1. *Helbidea: Samaniego kalea 48, 4. ezk*
- 2. *Tfnoa: 943260372. Fax.: 943260510.*
- 3. *Entzun dut zuz.-arekin egin behar dutela bilera.*

Udalerrri Euskaldunen Mankomunitatea

www.uema.org

Donibane enparantza 1, 1.a
48380 Aulesti
Bizkaia
94-627.91.95

Done Petri 14, behea
20180 Oiartzun
Gipuzkoa
943-26.03.72

Enparan kalea 1, 2.a Sindikatu zaharra
20.734 Azpeitia
Gipuzkoa
943-81.66.99

4. * [Inprimaki batean] **Zbkia.:** 129867
5. * **Eskatzaileak 2 m.-ko** atea jarri beharko du.
6. * **Hesitik hesira 50 zm-ko** tartea jarri behar da.

ZUZENKETAK ETA AZALPENA

1. **Laburdurak puntuz** idatzi behar dira; hain zuzen ere, laburdura dela adierazteko.

Ad. Helbidea: Samaniego kalea 48, 4. **ezk.**

2. Laburdurak **ez daude araututa**, baina denek laburdura berak erabiltzea komeni denez, forma jakin batzuk adostu eta bultzatu dira. Adibidez, tel. (=telefonoa). Faxa, berriz ez da laburdura, hitz osoa baizik.

Ad. **Tel.:** 943260372. **Faxa:** 943260510.

3. Laburdurak deklinatzean, **hitz osoak** idaztea komeni da. Izan ere, bestela, honako formak idatzi beharko genituzke: zuz.arekin, zenb.etako...

Ad. Entzun dut **zuzendariarekin** egin behar dutela bilera.

4. "Zenkakia" hitzerako, "**zenb.**" Edo "**zk.**" laburdura dago adostuta.

Ad. [Inprimaki batean] **Zenb./Zk.:** 129867

5. Ikurrek ez dute punturik behar. Izan ere, horixe da laburduretatik bereizteko modua.

Ad. Eskatzaileak 2 **m-ko** atea jarri beharko du.

6. Ikurrak nazioartekoak dira. Horregatik, ikurrek ez dute, berez, loturarik euskarazko ortografiarekin. Adibidez, zentimetroen ikurra **cm** da, baina hitz osoa idaztean **zentimetro** idatzi behar da.

Ad. Hesitik hesira 50 **cm-ko** tartea jarri behar da.

Udal erri Euskaldunen Mankomunitatea

www.uema.org

Donibane enparantza 1, 1.a
48380 Aulesti
Bizkaia
94-627.91.95

Done Petri 14, behe
20180 Oiartzun
Gipuzkoa
943-26.03.72

Enparan kalea 1, 2.a Sindikatu zaharra
20.734 Azpeitia
Gipuzkoa
943-81.66.99

Azalpenotatik zerbait ulertu ez baduzu edo gehiago sakontzeko ariketarik nahi baduzu, jarri harremanetan UEMAko teknikariarekin edo zure udaleko euskara teknikariarekin:

- Telefonoz: 94-6279195 (Iratxe)
- Posta elektronikoz: bizkaia1@uema.org (Iratxe)

Hurrengora arte!

Udalerri Euskaldunen Mankomunitatea

www.uema.org

Donibane enparantza 1, 1.a
48380 Aulesti
Bizkaia
94-627.91.95

Done Petri 14, behea
20180 Oiartzun
Gipuzkoa
943-26.03.72

Enparan kalea 1, 2.a Sindikatu zaharra
20.734 Azpeitia
Gipuzkoa
943-81.66.99